



阿寶仔

阿寶仔，係南庄學校畢業个學生仔。正名金寶，看厥名仔就知，屋下人對佢个痛惜摺盼望！毋係鐵寶、毋係銅寶、毋係銀寶，係金寶；毋係懃孫仔、毋係懃俵仔，係金孫、也係屋下人个心肝寶貝。

就同一般人共樣，阿寶仔滿六歲就來到學校讀書。摺一般人無共樣个係，佢對嬰兒仔起勢就毋會講話，乜毋曉得講話！較正確个講法係佢會發像 ba-ba、ma-ma 這兜簡單个聲，也多少仔聽得識食飯、睡目、屙尿這兜簡單个客家生活用詞。毋過，當多時節，佢總係二二臥臥、比手畫腳較多。

因爭恁樣个關係，阿寶仔在國小讀書時節，就分人鑑定愛讀資源班！上國中過後就去特殊學校，一直讀到高中，印象裡肚佢無分係教過。毋過，佢對佢有較深个印象，係在佢無上學校个時節起勢。六年前有一日，朝晨頭七點邊仔，佢開始出現在吾學校个大門口，兼老郵局个位所，看等自家个學弟學妹一隻一隻行入學校讀書，等到七點半个鐘聲一響，佢就自家恬恬仔離開。

毋知經過幾久仔个時間，阿寶仔到咁上學、放學个時間，佢早早就企在校門口等等，一直到這下。逐日，佢就像係準點个時鐘，時間一到，佢就來，時間一走，佢就離開，毋使人講、乜毋使人提醒。佢就自家恁樣來來去去，就為著看等自家个學弟學妹上課、下課。逐擺想愛問佢，做麼个愛逐日來，佢還甘開嘴，佢就走到無見影，到今佢還毋知佢心肝肚仰般想个。

佢緊來緊清楚阿寶仔就愛做一個交通志工，為南庄國小兒童个安全來守護，雖然佢毋會講，乜毋知佢心肝肚係毋係恁仔想！朝晨七點、下晝三點半佢準時會到，有成時佢還會提早在三點半以前到，佢會指等手錶仔、指向校門口，意思係講愛放學哩！遽遽去企門口，毋好毋記得哦！

正經毋知經過幾多年，阿寶仔做這交通志工，既經做到慣慣，不管發風落雨，佢總係來到校門口，說佢係模範志工，大家就會贊同。係講有一日無看著佢出現在校門口，莫講佢會毋慣，連學校个同事，尤其係自家个學弟學妹，定著也會毋慣正著！

作者：邱一帆

☆詞彙學習☆

【懃孫仔】ngong sun' e'：笨孫，謙稱。

【開嘴】koi' zoi：張嘴說話。

【二二臥臥】ngi ngi ngo ngo：話說不清楚的樣子。

【恁仔想】an' e' xiong'：這樣想。

【起勢】hi' sii：開始。

【慣慣】guan guan：很習慣。

【兼】giam'：接近。

【說佢】sod' gi'：稱讚他。